



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Ostenditur populo, & exsibilatur. 59

urn:nbn:de:hbz:466:1-38349

*De Christo, Isa. 58.
& vocaberis edificatus
sepium.*

*Petra autem maledicta
dictum, spinas,
& tribulos germinabit.
Impii enim, Sap. 2.
non sit pratum,
quod non pertranseat
luxuria nostra: coronemus
nos rosis, &c.*

*Regnum Christi
Regnum omnium
optimum.*

*Omnia enim dederat
si Pater in manus.*

*Tota ea nocte fuit
Christus inter
milites.*

*Vfus enim ferri ferreas
mentes facit.*

*Induerant eum clamyde
coccinea: coronant spinas,
& dederunt arundinem
in manu eius.*

Sentes mavult tolerare,
Quam frondes.
Sepire vineam suam venit
Bonus Agricola,
Colligit undequaque materiem sepium;
Id unum stupens, ac dolens,
Quod terra etiam, quæ maledicta non fuerat,
Spinas ferret.
Coronatis devota sacrificio victima;
At quia Luxuria hominum
Omni jam rosas legit ex horto,
Sola tibi spinæ supersunt,
Sub ludicio palliastro
Rex verus;
Id quod natus fueras
Te negare non ausus,
Quod nullus tibi invidet,
Regnum ambis.
Meliori utique dignus
Nisi hoc ipsum fecisses omnium optimum,
Quod omni accepta à Patre optione,
Elegisti tuis, ac tibi.

ELOGIUM LIX.
OSTENDITUR POPULO, ET
EXSIBILATUR.

Math. 27. Marc. 15. Luc. 23. Joan. 19.

Inter Milites quies esse quæ potuit
Deo Pacis?
Perierat illi plurimum de laude patientiæ,
Nisi quæ armatis licent, toleravisset.
Duriotes illos expertus est ferro suo:
Crudeles Ludiones hilaravit illusus.
Suis eos descriptos sibi vidit in donis;
Leves agnovit ex Arundine,
Cruentos ex purpura,
Rapaces ex Spina.
Nobilis Actor ferali scenæ ferviens
Dum ageret Regem.

Tributi nomine alapas collegit, & scommata,
 Apud talem populum scierat,
 Sola hæc abundare.

Gratulationes ludicras de vero Regno
 Consentientis in morem tacitus excipit,
 Spectari jam vult, non audiri,
 Quia pro una lingua tacente
 Mille loquuntur in eo vulnera.

Agit Pilatus desiderii hujus interpretem,
 Eum foras educens;

Improperat cæcitatem spectantibus,
 Quibus describit illud ipsum, quod objicit.
 Ne credatur congeries vulnerum,
 Appellatione hominis

Occurritur oculorum errori
 Irritatur spectaculo illo barbaries,
 Non expletur;

Apud præoccupatos ab ira
 Non invenit miseratio locum.
 Cruorem, quem avent conculcare,

Supra se postulant,
 Et quo tanti pœna sceleris
 Manet in plures,

Ipsa posteritas culpæ vocatur in partem.
 Non sufficit timor infelix
 Liberare, aut se à molestia,
 Aut innocentem à pœna.

Annon illi igitur
 Omni jure celata definitio Veritatis,
 Qui ira parum patrocinari cognitæ posset?
 Homo Bulla

Ad primus vulgi fractus est flatus,
 Oblitus illico Deum est,
 Cum sibi Cæsarem, Plebemque proposuit.
 Abiit in accusatorum perfidiam,
 Quam damnaverat.

Ita omnis fuit illi ratio furoris alicui,
 Nulla muneris sui.

*Regibus populi non
 dant, nisi ea, quibus
 abundant.*

*Qui enim tacet,
 consentire videtur.*

*Eduxit enim illum
 foras spectandum.*

*Quare dixerit Pila-
 tus, Ecce Homo.*

*Audientes Pilatum
 cæperunt magis cla-
 mare, tolle, tolle.*

*Sanguis ejus super
 vos & super filios
 nostros.*

*Hæc cum audisset
 Pilatus, magis
 timuit.*

*Cur non meruerit
 Pilatus audire à
 Christo, quid est
 veritas?*

*Homo bulla, est in
 adagio, hic pro Pi-
 lato accipitur.*

*Si hunc dimittis, non
 es amicus Cæsaris: o-
 mnis enim, &c.*